

ქ. თბილისი

ერთი მხრივ, სსიპ - საქართველოს ტექნიკური უნივერსიტეტი (შემდგომში „უნივერსიტეტი“) წარმოდგენილი მისი ვიცე რექტორის ლევან კლიმიამვილის სახით და მეორე მხრივ, შპს „ენგურჰესი“ (შემდგომში „კომპანია“) წარმოდგენილი ფინანსური დირექტორის ზვიად კილასონიას სახით ვაფორმებთ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

1.1. ხელშეკრულების საგანს წარმოადგენს მხარეთა შორის საგანმანათლებლო სფეროში ურთიერთთანამშრომლობა, მათ შორის უნივერსიტეტის ბაკალავრიატის 7 და მაგისტრატურის სამშენებლო (საბაკალავრო და სამაგისტრო პროგრამები „მშენებლობა“), სამთო-გეოლოგიური (საბაკალავრო და სამაგისტრო პროგრამები: გეოლოგია, საინჟინრო გეოდეზია, საინჟინრო უსაფრთხოება და საგანგებო სიტუაციების მართვა), ენერგეტიკისა და ტელეკომუნიკაციის (საბაკალავრო და სამაგისტრო პროგრამები ენერგეტიკა და ელექტროინჟინერია), ინფორმატიკისა და მართვის სისტემების (საბაკალავრო და სამაგისტრო პროგრამები მართვის სისტემები, ავტომატიზაცია და ტესტ-ინჟინერინგი) ფაკულტეტების სტუდენტების („პრაქტიკანტი“) საწარმოო პრაქტიკის გავლა კომპანიაში.

1.2. კომპანია გამოთქვამს მზადყოფნას უნივერსიტეტის სტუდენტებისათვის საწარმოო პრაქტიკა განახორციელოს ანაზღაურების გარეშე.

**მუხლი 2. მხარეთა უფლება-მოვალეობები**

2.1. „კომპანია“ უზრუნველყოფს:

2.1.1. კალენდარული წლის განმავლობაში უნივერსიტეტის ბაკალავრიატის და მაგისტრატურის სამშენებლო (საბაკალავრო და სამაგისტრო პროგრამები „მშენებლობა“), სამთო-გეოლოგიური (საბაკალავრო და სამაგისტრო პროგრამები: გეოლოგია, საინჟინრო გეოდეზია, საინჟინრო უსაფრთხოება და საგანგებო სიტუაციების მართვა), ენერგეტიკისა და ტელეკომუნიკაციის (საბაკალავრო და სამაგისტრო პროგრამები ენერგეტიკა და ელექტროინჟინერია), ინფორმატიკისა და მართვის სისტემების (საბაკალავრო და სამაგისტრო პროგრამები მართვის სისტემები, ავტომატიზაცია და ტესტ-ინჟინერინგი) ფაკულტეტების 20 სტუდენტის საწარმოო პრაქტიკის გავლას, მისამართზე: დაბა ჯვარი, დასახლება ფოცხო ეწერი, თაღოვანი კაშხალი.

2.1.2. სტუდენტთა საწარმოო პრაქტიკაზე პასუხისმგებელი პირის (მენტორი) გამოყოფას.

2.1.3. თითოეული სტუდენტის მიერ საწარმოო პრაქტიკის სრულფასოვან და ეფექტურ გავლას.

2.1.4. სტუდენტებისათვის კომპანიის შინაგანაწესის, ტექნიკისა და ხანძარსაწინააღმდეგო უსაფრთხოების ნორმების გაცნობას.



2.1.5. სტუდენტების დაცვას კომპანიის თანამშრომლების მხრიდან არასათანადო მოპყრობის, შეურაცხყოფისა და უყურადღებობისაგან.

2.1.6. საწარმოო პრაქტიკის დასრულებისთანავე თითოეულ სტუდენტზე კომპანიის ბეჭდით დამოწმებული დასკვნა-დახასიათების გაცემას.

2.2. უნივერსიტეტი უზრუნველყოფს:

2.2.1. კომპანიისათვის პრაქტიკანტების გაგზავნას და მათზე კონტროლს საწარმოო პრაქტიკის პერიოდში. საწარმოო პრაქტიკაზე პასუხისმგებელი პირის გამოყოფას.

2.2.2. კომპანიასთან შეთანხმებით სტუდენტთა საწარმოო პრაქტიკის გრაფიკის განსაზღვრას;

2.2.3. კომპანიისათვის პრაქტიკანტი სტუდენტების სახელობითი სიის და პრაქტიკის სილაბუსის მიწოდებას პრაქტიკის დაწყებამდე 1 (ერთი) თვით ადრე.

### **მუხლი 3. პრაქტიკის ხანგრძლივობა**

3.1. პრაქტიკის ხანგრძლივობა სტუდენტთა თითოეული ნაკადისათვის განისაზღვრება 125-150 საათით, რომელიც შეიძლება შეიცვალოს მხარეთა შეთანხმებით.

### **მუხლი 4. ხელშეკრულების მოქმედების ვადა და შეწყვეტის პირობები**

4.1. ხელშეკრულება ძალაში შედის ორივე მხარის მიერ მისი ხელმოწერის დღიდან და მოქმედებს 2025 წლის 31 დეკემბრის ჩათვლით.

4.2. წინამდებარე ხელშეკრულების ვადაზე ადრე შეწყვეტა შესაძლებელია მხარეთა ურთიერთშეთანხმების საფუძველზე, წერილობითი ფორმით შედგენილი, ორივე მხარის მიერ ხელმოწერილი შეთანხმების გაფორმების გზით.

4.3. ხელშეკრულების თითოეული მხარე ვალდებულია მეორე მხარეს გადაწყვეტილება ხელშეკრულების ვადაზე ადრე შეწყვეტის შესახებ აცნობოს სულ ცოტა ერთი თვით ადრე მაინც.

4.4. ხელშეკრულების ცალმხრივად შეწყვეტა შესაძლებელია იმ შემთხვევაშიც, თუ რომელიმე მხარე გაფრთხილების მიუხედავად არ ასრულებს ხელშეკრულებით ნაკისრ ვალდებულებას.

### **მუხლი 5. ხელშეკრულების შესრულების შეფერხება**

5.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა აცნობოს მეორე მხარეს წერილობითი შეტყობინების გაგზავნის გზით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

5.2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, გადაწყვეტილება უნდა გაფორმდეს ხელშეკრულებაში ცვლილებების შეტანის, წერილობითი შეთანხმების გაფორმების გზით.

### **მუხლი 6. დავის გადაწყვეტის წესი**

6.1. მხარეთა შორის წარმოშობილი დავა წყდება ურთიერთმოლაპარაკების გზით, ხოლო შეთანხმების მიუღწევლობის შემთხვევაში საქართველოს კანონმდებლობით დადგენილი წესით სასამართლოს მიერ.

### **მუხლი 7. ფორს-მაჟორი**

7.1. მხარეთა პასუხისმგებლობას გამორიცხავს ფორს-მაჟორული გარემოებებით



გამოწვეული ვალდებულებათა შეუსრულებლობა ან/და არაჯეროვანი შესრულება. ფორს-მაჟორულ გარემოებებად ითვლება ომი, სტიქიური უბედურება, ხანძარი, მასობრივი არეულობა, აგრეთვე ხელისუფლების მიერ გამოცემული ნორმატიული აქტები, რომლებიც ზღუდავს ან აბრკოლებს ვალდებულებათა შესრულებას.

7.2. თუ ფორს-მაჟორულ გარემოებებს აქვთ დროებითი ხასიათი, მათზე მითითება დაიშვება მხოლოდ იმ პერიოდში, როცა ისინი გავლენას ახდენდნენ მხარეთა ვალდებულებების შესრულებაზე. თითოეული მხარე ვალდებულია ფორს-მაჟორული გარემოებების შესახებ დაუყოვნებლივ აცნობოს მეორე მხარეს.

7.3. ფორს-მაჟორული გარემოებების 30 (ოცდაათი) კალენდარულ დღეზე მეტი დროით გაგრძელების შემთხვევაში თითოეულ მხარეს უფლება აქვს ცალმხრივად შეწყვიტოს წინამდებარე ხელშეკრულება.

### მუხლი 8. დასკვნითი დებულებანი

8.1. მხარეთა პასუხისმგებლობა განისაზღვრება მოქმედი კანონმდებლობის შესაბამისად.

8.2. ხელშეკრულების ნებისმიერი ცვლილება ან/და დამატება შეტანილი უნდა იქნას მხოლოდ მხარეთა შორის წერილობითი შეთანხმების გაფორმების გზით.

8.3. მხარეები შესაძლებელია შეთანხმდნენ განსხვავებულ უფლება-მოვალეობებსა და პირობებზე, რაც არ უნდა ეწინააღმდეგებოდეს მოქმედ კანონმდებლობას.

8.4. ხელშეკრულება შედგენილია ქართულ ენაზე ორი, თანაბარი იურიდიული ძალის მქონე ეგზემპლარად, რომელთაგან თითოეული ეგზემპლარი გადაეცემა ხელშეკრულების თითოეულ მხარეს.

კომპანია

უნივერსიტეტი

შპს „ენგურჰესი“

სსიპ საქართველოს ტექნიკური

მისამართი: ანა პოლიტკოვკაის №8  
ს.კ. 251716371

უნივერსიტეტი  
მისამართი: მ. კოსტავას ქ. 77  
ს.კ. 211349192

ფინანსური დირექტორი  
ზვიად კილასონია

ვიცე რექტორი  
ლევან კლიმიაშვილი



Zviad Kilasonia  
Подписано цифровой  
подписью: Zviad Kilasonia  
Дата: 2021.08.04 17:05:09  
+04'00'